



01/a-50-1

Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: A-199/13

Datum: 26.08.2013. godine

BOSNA I HERCEGOVINA

Parlamentarna skupština Bosne i Hercegovine

Predstavnički/Zastupnički dom

Trg Bosne i Hercegovine 1

71 000 Sarajevo

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 30-08-2013			
Klasifikaciona jedinica	Klasifikaciona oznaka	Redni broj	Broj priloga
01-	50-1-15-46	13	

Predmet: Informacija, dostavlja se

Veza: Vaš akt broj 01/a-50-1-15-46/13 od 28.03.2013. godine

Poštovani,

Dana 11.03.2013. godine, zaprimili smo vaš akt broj 01/a-50-1-15-43/13 od 28.02.2013. godine, povodom poslaničkog pitanja poslanika u Predstavničkom domu Parlamentarne skupštine Bosne i Hercegovine Milorada Živkovića, kojim se traži informacija o tome koliko je Ustavni sud Bosne i Hercegovine dostavio Tužilaštvu/Tužiteljstvu Bosne i Hercegovine rješenja o neizvršenju odluka, uz naznaku da je iste potrebno pojedinačno navesti, kao i informacija koje je radnje Tužilaštvo/Tužiteljstvo Bosne i Hercegovine preduzelo po primljenim rješenjima i kako je sankcionisano neizvršenje odluka Ustavnog suda Bosne i Hercegovine.

Povodom navedenog poslaničkog pitanja, Tužilaštvo/Tužiteljstvo Bosne i Hercegovine je dana 19.03.2013. godine, uz dopis broj A-145/13, dostavilo tabelu u kojoj su navedeni predmeti ovog tužilaštva u vezi sa neizvršenjem odluka Ustavnog suda Bosne i Hercegovine, uz naznaku radnji poduzih u svakom predmetu pojedinačno.

Dana 08.04.2013. godine, zaprimili smo vaš akt broj 01/a-50-1-15-46/13 od 28.03.2013. godine, povodom poslaničkog pitanja poslanika u Predstavničkom domu Parlamentarne skupštine Bosne i Hercegovine Milorada Živkovića, koji, nezadovoljan ranije dostavljenim odgovorom, traži dopunu odgovora na pitanje koje i kakve mjere i sankcije stoje na raspolaganju Tužilaštvu Bosne i Hercegovine za krivično djelo nesprovođenje odluka Ustavnog suda Bosne i Hercegovine i zašto do sada nisu upotrebljene.

U tom smislu, dostavljamo sljedeće obrazloženje:

Postavljeno poslaničko pitanje odnosi se na slučajeve neizvršenja odluka Ustavnog suda Bosne i Hercegovine, koji mogu imati obilježja krivičnog djela Neizvršenje odluke Ustavnog suda Bosne i Hercegovine, Suda Bosne i Hercegovine, Doma za ljudska prava ili Evropskog suda za ljudska prava iz člana 239. Krivičnog zakona Bosne i Hercegovine<sup>1</sup>. Kao i u pogledu svih drugih krivičnih djela iz svoje nadležnosti, Tužilaštvo/Tužiteljstvo Bosne i Hercegovine ima pravo i dužnost da poduzme sve potrebne mjere radi otkrivanja i krivičnog gonjenja učinilaca navedenog krivičnog djela. Pod mjerama se u ovom slučaju misli da sve istražne radnje, radnje dokazivanja i druge radnje kako su propisane Zakonom o krivičnom postupku Bosne i Hercegovine<sup>2</sup>. Posebno skrećemo pažnju na član 35. navedenog zakona, kojim se propisuju prava i dužnosti tužioca u krivičnom postupku.

Kao i slučaju bilo kog drugog djela iz svoje nadležnosti, Tužilaštvo/Tužiteljstvo Bosne i Hercegovine poduzima sve radnje koje ovoj instituciji stoje na raspolaganju, kako bi bile utvrđene sve relevantne činjenice radi dokazivanja objektivnih i subjektivnih elemenata krivičnog djela u pitanju, na način kako je to određeno Krivičnim zakonom Bosne i Hercegovine.

Kako je iz naprijed navedenog vidljivo, Tužilaštvo/Tužiteljstvo Bosne i Hercegovine, nema nadležnost da izriče sankcije za krivično djelo, budući da je to isključiva nadležnost suda. Takođe, iz tabele dostavljene uz dopis broj A-145/13 od 19.03.2013. godine, vidljivo je da je ovo tužilaštvo poduzimalo i poduzima potrebne mjere radi otkrivanja i krivičnog gonjenja učinilaca navedenog krivičnog djela, uključujući pokretanje i vođenje istraga u pogledu istog. Prema tome, Tužilaštvo/Tužiteljstvo Bosne i Hercegovine koristi sve mjere iz svoje nadležnosti, a za koje cijeni da su adekvatne u konkretnom slučaju.

S poštovanjem,



<sup>1</sup> "Službeni glasnik Bosne i Hercegovine", broj 3/03, 32/03, 37/03, 54/04, 61/04, 30/05, 53/06, 55/06, 32/07, 8/10

<sup>2</sup> "Službeni glasnik Bosne i Hercegovine", broj 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09, 93/09